



# Aljoviću slijedi deportacija

Aljović predstavlja prijetnju po nacionalnu sigurnost, osumnjičen je za organizovani kriminal

Fadil Aljović, osuđeni član grupe Zijada Turkovića, kojeg su jučer na području Ilidže uhapsili inspektori Službe za poslove sa strancima i pripadnici **SIPA**, u naredna dva dana će biti deportovan sa teritorije BiH, jer predstavlja prijetnju po nacionalnu bezbjednost BiH.

Kako se moglo saznati, deportacija u Srbiju će se obaviti odmah nakon bezbjednosne procjene i plana djelovanja. Naime, Aljović je označen kao osoba koja predstavlja prijetnju na osnovu mišljenja pripadnika OBA/OA, jer se dovodi u vezu sa organizovanim kriminalom.

Aljoviću kao državljaninu Srbije Služba za poslove sa strancima je zabranila ulazak i boravak na teritoriji BiH u periodu od tri godine, te je stavljen pod nadzor u imigracioni centar ove službe u Lukavici.

Podsjetimo, prvostepenom presudom Suda BiH Aljović je kao sedmooptuženi proglašen krivim zbog pripremanja ubistava Midhata Mekića i Lucije Salas Cortes, te je osuđen na pet godina zatvora. Ta presuda je poništena, a zatim potvrđena.

On je na početku suđenja imao



Aljović je osuđen na pet godina zatvora koje je odležao

status svjedoka, a kasnije je postao jedan od osumnjičenih, zatim je i osuđen. Tokom suđenja negirao je optužbe da je sa Turkovićem, Seadom Dumanjićem, Isljamom Kalenderom, Milenom Lakićem i Rajkom Milovanovićem dogovarao ubistva Mekića i Cortesove, naglašavajući da ih nije poznavao.

Tvrdio je da nakon njihove likvidacije nije uklanjao tragove i spaljivao namještaj iz kuće u kojoj je živio s Hajrudinom Memovićem i ubijenim Mekićem.

U martu ove godine, Aljović je zbog organizovanog kriminala i rasturanja droge uhapšen zajedno sa još 17 osoba u akciji Praznik. **D. P.**